

音韻學叢書

香樹齋叢書

唐韻正入聲卷之十九

音學五書
三十五

二十一麥

此韻當分爲二

麥

莫獲切

當作莫畫

詩桑中二章爰采麥矣沫之北矣云誰之思美孟弋
矣 載馳四章我行其野芄芃其麥控于大邦誰因
誰極 上中有麻二章上中有麥彼畱子國彼畱子
國將其來食 碩鼠二章碩鼠碩鼠無食我麥三歲
貫女莫我肯德逝將去女適彼樂國樂國樂國爰得
我直 閼宮見福字下 易林離之蠱早霜晚雪傷

害禾麥損功棄力饑無所食 白虎通閭闔風至生
薺麥不周風至蟄蟲匿 魏韋鋌序志賦奉過庭之
明訓納微躬於軌則勉四民之耕耘遂能辨乎菽麥
自麥字以下竝讀如今音古人與職德同用

去聲則莫卦反 楊慎曰范文正公安撫江淮進民
閒所食烏昧艸乞宣示六宮傳諸戚里以抑奢侈烏
昧艸卽今野燕麥也淮南謂麥曰昧故史從音爲文
脉

素問移精變氣論治之要極無失色脉用之不惑治
之大則逆從到行標本不得亡神失國 疏五過論

嘗富大傷斬筋絕脉身體復行令澤不息 張弼曰
說文正作廌籀文作𧈧與正文反重文作𧈧俗作脉
永卽𧈧之反遞譌也

畫

胡麥切

去聲則胡卦反 史記秦始皇紀琅邪臺刻石文憂
恤黔首朝夕不懈除疑定法咸知所辟方伯分職諸
治經易舉錯必當莫不如畫 今此字兩收於十五
卦二十一麥部中 先儒以此字爲圖畫之畫則去
聲爲計畫之畫則入聲然秦始皇琅邪臺刻石文此
計畫之畫也而讀作去聲漢傅毅七激紅顏呈素蛾

眉不畫脣不施朱髮不加澤晉左思嬌女詩其姊字
蕙芳兩目燦如畫輕粧喜樓邊臨鏡忘紡績此圖畫
之畫也而讀作入聲正作畫俗省作畫 史記建元
以來侯者年表澶清侯參索隱曰澶音獲又音乎卦
反今澶字在去聲十五卦部而此韻不收

𦇧

古獲切

當作古畫

去聲則古對反

今此字兩收於十八隊二十一麥

部中

𦇧

詩泮水五章穆穆魯侯敬明其德旣作泮宮淮夷攸

服矯矯虎臣在泮獻馘

譌

去聲同上 說文譌从言雋聲

薛

博厄切

去聲則蒲計反 今此字兩收於十二霽二十一麥

部中

責

側革切

去聲則側賣反 左傳僖十五年西鄰責言責側介

反又如字昭二十年薄斂已責本又作債同 管子

苟從責者責讀爲債 說文漬積皆以責得聲

嘖

同上 太玄經玄瑩陰陽所以抽嘖也從橫所以瑩理也明晦所以昭事也 張昭曰嘖卽嘖之俗改今分爲二字

簣

詩淇奧三章瞻彼淇奧棗竹如簣有匪君子如金如錫如圭如璧

上聲則音姊 晉語解第簣也

債

去聲則側賣反 今此字兩收於十五卦二十一麥

部中

縵

呼麥切

去聲則胡卦反

周禮銜枚氏註爲之縵結於頂縵

戶卦反又胡麥反

今此字兩收於十五卦二十一

麥部中

核

下革切

平聲則音孩

漢書五行志孕毓根核師古曰核亦

亥字也

上聲則音亥

說文核从木亥聲

釋名亥核也收

藏百物核取其好惡眞僞也亦言物成皆堅核也

莊子方且爲物絃徐邈音下革反今絃字在十六哈

韻

鬲

古核切

去聲則古薤反 水經注清河又東北逕界城亭東

水上有大梁謂之界城橋世謂之鬲城橋

謹

同上 說文謹从言革聲讀若戒

革

易鼎九三鼎耳革其行塞雉膏不食 詩羔羊二章

羔羊之革素絲五緘委蛇委蛇自公退食 采芑首

章乘其四騏四騏翼翼路車有奭簟茀魚服鉤膺儔
革斯干四章如鼓斯翼如矢斯棘如鳥斯革皇
矣七章帝謂文王子予懷明德不大聲以色不長夏以
革不識不知順帝之則易乾文言或躍在淵乾道
乃革飛龍在天乃位乎天德亢龍有悔與時偕極乾
元用九乃見天則革彖傳革水火相息二女同居
其志不相得曰革史記秦始皇紀琅邪臺刻石文
節事以時諸產繁殖黔首安甯不用兵革漢書禮
樂志安世房中歌見福字下嚴忌哀時命菀露襍
於麝蒸兮機蓬矢以射革負擔荷以丈尺兮欲伸要

而不可得外迫脅於機辟兮上牽聯於矰雉肩傾側
而不容兮固陜腹而不得息 東方朔七諫棄彭咸
之娛樂兮滅巧倖之繩墨菑落襍於叢蒸兮機蓬矢
以射革駕蹇驢而無策兮又何路之能極以直鍼而
爲釣兮又何魚之能得 參同契或興太平或造兵
革四者之來由乎胷臆 晉左思魏都賦改正朔易
服色繼絕世修廢職徽幟以變器械以革顯仁翌明
藏用玄默 陳第曰革音棘說文急也本作輒从革
亟聲徐曰束物之急莫若革今文省作革禮記檀弓
曾元曰夫子之病革矣慶遺入請曰子之疾革矣公

曰若疾革雖當祭必告竝音紀力反 禮器引詩匪

棘其欲作匪革其猶 列子湯問於夏革莊子作棘

論語棘子成漢書古今人表作革子成三國志秦

宓傳亦作革子成 漢書功臣表賁棗侯革朱史記

索隱曰革音棘棘姓蓋子成之後

摘

陟革切

去聲則陟志反 說文摘从手啻聲

謫

同上 說文謫从言啻聲

謫

詩北門二章王事適我政事一埤益我我入自外室
人交徧謫我

去聲則陟志反 亦作適詩殷武三章天命多辟設
都于禹之績歲事來辟勿予禍適稼穡匪懈 禮記
註解者適也

厄

於革切

詩韓奕二章鞞鞞淺幘儻革金厄

搯

詩南山箋彭生乘公而搯殺之搯於革反沈音烏詣
反 公羊僖元年傳桓公召而縊殺之縊一本作搯

阨

去聲則音隘 史記律書擁兵阻阨音乙賣反 今

此字兩收於十五卦二十一麥部中卦部註云與隘

同 亦作阨 漢崔瑗司隸校尉箴大漢通變崇弘簡

易吞舟之網以濟難阨 釋名縊阨也 儀禮士昏

禮註隨入爲門中阨狹阨音於賣反 左傳襄十四

年註吳險阨之道阨音於賣反 昭元年所遇又阨

阨本又作隘 定四年還塞大隧直轅冥阨阨於懈

反本又作隘 墨子作冥隘戰國策作郢隘 史記春申

君傳作閼 禮記禮器君子以爲隘矣 隘本又作

阨於賣反 戰國策三國隘秦寡人不與聞焉是以

隘之註隘阨字通 莊子久病長阨而不死者也阨

音厄又烏賣反 陳蔡之隘隘音厄又於懈反 處

窮閭阨巷阨音於懈反 晉書溫嶠傳祖約情性褊

阨謝石傳王恭自陳褊阨苻堅載記幽州褊阨竝音

烏懈反 宋書符瑞志引詩寘之隘巷作棄之阨巷

文選左思吳都賦邦有湫阨而踳跼阨音烏介反

魏都賦由重山之束阨阨音烏介反 班彪北征

賦羅填塞之阨災阨音烏戒反 成公綏嘯賦峽世

路之阨僻阨音於界反 按古人阨字多有作隘者

戰國策若自在隘窘之中新序常思困隘之時漢劉
歆遂初賦咎仲尼之淑聖兮竟隘窮乎蔡陳蔡邕述
征賦過漢祖之所隘弔紀信於滎陽竝是阨字

藹

五革切

詩防有藹巢二章中唐有甕邛有旨藹誰侑予美心
焉惕惕 今此字兩收於二十一麥二十三錫部中
以上字轉去聲則入寘卦韻

獲

胡麥切

古音胡郭反皇詩駟驥二章奉時辰牡辰牡孔碩公
曰左之舍拔則獲之巧言四章奕奕寢廟君子作之